



Maanifestoo Badhaadhinaa

Obbolummaa Sab-daneessa
Badhaadhina Waloof!

Bara 2013



Ifi xiqqoon agarre akka
daraan gabbatee mul'atu;



Itoophiyaan biyya hunda
keenyaaf mijooftuu akka taatu;



Danqaawwan badhaadhina egeree biyya
keenya ta'an buqqifnee akka gannu;



Yeroon fuuldura keenya kan
hunda keenyaa akka ta'u;



Itoophiyaa guddattee gulantaa olaanaatti
qaarite;

Gommuu keessaa baanee gara
ifa guddaatti ulaan ittiin fiignu
akka banamuuf;



Ida'annuu

“

Karooragochaan madaalame

kan qopheesse, mul'ata ifaa
galaasaa kan godhate,
hudhaalee barootaaf nu qaban
tooftaa ittiin kukkunnu kan
qabate, galma abdii keenyaa
isa dhugaa kan of harkaa qabu

“

Badhaadhina filadhaa!”

Mul'ata Badhaadhinaa

Itoophiyaa Faajjii Badhaadhinaa Afrikaa Taasisuu;

Badhaadhinni Itoophiyaa nuti abjoonnu; qabeenyawwan qabatamoo,

namaafi qabeenyawwan kiliyaa hawaasummaa keenya qindeessinee itti fayyadamuudhaan dandeettii nuti uummannudha. Dandeettiin kunis dabareesaa-tiin leecalloon uumuufi sirni ijaaru fedhii hundagaleessa ummata keenyaa guutuudhaan gammachuufi itti quufinsa uuman kan of keessatti qabate badhaadhina waliigalaati.

Ibsama ummattoota Itoophiyaa kan ta'e; eenyummaa sab-daneessummaa isaanii amantaasaanii qabatanii, aadaawwan gabbatoon qaban kabajamaniifii akka dagaagan godhamanii, akka hawaasa siyaas-diinagdee tokkootti yoo socho'an rakkoo siyaasaafi diinagdee amma jirurraa gadhiifamanii akkuma biyyoota badhaadhaniitti itti quufinsaafi gammachuun sababni isaan hin jiraanne hin jiru jennee amanna.

Gama siyaasaatiin kaayyoon ijoon paartii keenyaa Itoophiyaa federaaloftuufi demokiraatoftuu cimtuu lammiiwwanshee hundaaf mijattu, Itoophiyaanota hunda kan fakkaattu, badhaatuu; mirgoota sabootaa, mirgoota dhuunfaa waliin wal siisiisun kan kabachiiftu ijaaruudha.

Kaayyoo kana galmaan ga'uuf daandiin nuti hordofnu:

- o Injifannoowwan hanga har'aatti akka biyyaatti galmeessine bu'uura godhachuu
- o Horataalee milkaa'inoota turan eegsisuufi cimsuu
- o Dogoggorawwan turanirraa barachuufi sirraa'uu
- o Kaleessa keessa buufachuunis kasaaruunis, boqonnaa seenaa duraanii keessatti injifannoonis injifatamuunis akka ture hubachuu
- o Waan gaarii itti fufsiisuufi guddisuudhaan waan fokkuu/yaraa sirreessuufi irra-deebi'uu dhiisuufa'i.

Gama diinagdeetiinis lammiin Itoophiyaa hundi dandeettiin diinagdeesaa hayy-ames hayyamu baates, jiraachuudhaaf wantoota bu'uura ta'an argachuu akka qabu Badhaadhinni ni amana. Lammiwwan fayyadamtoota nyaata madaalawaa, mana jireenyaa, bishaan dhugaatii qulqulluu, tajaajila fayyaafi barnoota bu'uura ta'uu qabu jennee amanna. Lammiwwan kuufama/dilbii beekumsaa qaban fayy-adamuudhaan qabeenyaa bifa haqa-qabeessa ta'een uumuufi qooddachuu kan isaan dandeessisu tajaajilawwan barnootaa, fayyaafi kanneen biroo bakka jira-nitti qulqullummaan ga'uu qaba jennee amanna. Dabalataanis lammiwwan ta-jaajilawwan kanneen argachuudhaaf dhimmoota diinagdee, hawaasaafi siyaasaa irraa dhiibbaa tokko malee walqixxummaafi haqa-qabeessummaan hirmaatoofi fayyadamoo ta'uu qabu jennee cimsinee amanna.

Amantaa keenya kanas kan milkeessuufi fedhii baroota dheeraa ummatoota Itoophiyaa hundaa kan guutu karoora diinagdee, siyaasaafi hawaasummaa qopheessineerra. Armaan gaditti bifa Maaniifestootiin kan dhihaaterratti, mul'ata badhaadhina biyyaa qabnu kan qooddattan yoo ta'e, sagalee keessan Paartii Bad-haadhinaatiif kennuudhaan imala badhaadhina Itoophiyaatti akka makamtan kabajaan afeeramtaniirtu!